



# MANDATUM RECTORIS.



**N**OS GUIDO - ANTONIUS  
FOURNEAU, Universi Studii Pari-  
sienſis RECTOR, Omnibus Magiſtris &  
Scholaribus Academicis, SALUTEM.

ET SI rectè facientibus ſatis amplum  
præmium ſit ipſa rectè factorum conſcientia, certum eſt  
tamen, ipſi Virtuti ſtimulum accedere non levem ex ho-  
minum famâ laudiſque publicæ fructu; in Literis præſertim  
ac præclaris Artibus, quas honore potiſſimum ali & excitari  
nemo eſt, qui ignoret.

POSTULAT igitur & Officii noſtri ratio, & Studio-  
rum noſtrorum, atque adeò totius Rei Literariæ, utilitas,  
ut quantum alumnos noſtros in Certaminibus Academicis

egregiè hoc anno obeundis impigros & alacres experti sumus , tantùm illi Nos in ipsis remunerandis diligentes experiantur.

ITAQUE mandamus, ut qui ad illa Certamina admissi fuère, ii præsertim, qui in iis operam haud pœnitendam edidisse sibi conscii sunt, adsint die Lunæ sexto mensis Augusti, horâ post meridiem quartâ, in MAJORIBUS SORBONÆ SCHOLIS; ubi Nos quoque cum Universâ Academiâ nostrâ aderimus. Et postquàm V. C. M. ANTONIUM VICAIRE, Eloquentiæ Professore in Regiâ Navarrâ, perorantem audierimus, Præmia Literaria ex liberalitate tùm D. LUDOVICI LEGENDRE, Ecclesiæ Parisiensis Canonici, tùm M. CAROLI COFFIN, antiqui Academiæ nostræ Rectoris, & Collegii Dormano-Bellovacii, dùm viveret, Moderatoris, tùm etiam D. JOANNIS-BAPTISTÆ COIGNARD, Regis Typographi, annuente SUPREMO SENATU, pro cuiusque meritis distribuemus. Toto autem illo die & proximè sequenti Scholæ nostræ feriabuntur.

ITA de Consilii nostri sententiâ ediximus in Ædibus nostris GRASSINÆIS, die Martis vigesimo-quarto mensis Julii, anno Domini millesimo septingentesimo quinquagesimo-tertio.

---

Ex Typographia THIBOUST, REGIS, nec-non Academiæ Parisiensis  
Typographi, in Plateâ Cameracensi.